

## МОНГОЛ УЛСЫН ХУУЛЬ

2020 оны ... дугаар  
сарын ... -ны өдөр

Улаанбаатар  
хот

### ЗЭВСЭГТ ХҮЧНИЙ ТУХАЙ ХУУЛЬД НЭМЭЛТ ОРУУЛАХ ТУХАЙ

**1 дүгээр зүйл.** Зэвсэгт хүчний тухай хуульд дор дурдсан агуулгатай дараахь зүйл, заалт нэмсүгэй:

**1/3 дугаар зүйлийн 1 дэх хэсгийн 18 дахь заалт:**

“3.1.18. “Улсыг хөгжүүлэх бүтээн байгуулалт” гэж стратегийн ач холбогдол бүхий үйлдвэрлэл, дэд бүтэц, барилга байгууламжийн төсөл, хөтөлбөр, цэргийн дэд бүтцийг хөгжүүлэх, улсын болон цэргийн онц чухал объектыг барьж байгуулах, орон нутгийн хамгаалалтын тогтолцоог бэхжүүлэх, байгаль орчныг хамгаалах, экосистемийг сэргээн босгох, нөхөн сэргээх үйл ажиллагааг;”

**2/ “18<sup>1</sup> дүгээр зүйл. Зэвсэгт хүчний хөгжлийн сан**

“18<sup>1</sup>.1. Зэвсэгт хүчин нь зэвсэглэл, техник, хэрэгслийг шинэчлэх, сэргээн сайжруулах, сургалтын материаллаг баазыг бэхжүүлэх, зэвсэгт хүчний бие бүрэлдэхүүнийг сургах, чадавхийг нэмэгдүүлэх, батлан хамгаалах салбарын алба хаагчдын нийгмийн хамгааллыг сайжруулах зорилго бүхий хөгжлийн сантай байна.

18<sup>1</sup>.2. Зэвсэгт хүчний хөгжлийн сангийн хөрөнгө нь дараахь эх үүсвэрээс бүрдэнэ:

18<sup>1</sup>.2.1. улсын төсвийн хөрөнгө;

18<sup>1</sup>.2.2. гадаад улс, олон улсын байгууллага, гадаад, дотоодын аж ахуйн нэгж, байгууллага, иргэнээс өгсөн хандив, тусламж;

18<sup>1</sup>.2.3. энхийг дэмжих ажиллагаанд оролцсоны нөхөн төлбөрийн Засгийн газраас тогтоосон зохих хэсэг;

18<sup>1</sup>.2.4. энхийг дэмжих ажиллагаанд Монгол Улсын зэвсэгт хүчнээс ашиглуулж байгаа үндсэн болон туслах зэвсэглэл, техник, хэрэгсэл, тоног төхөөрөмж, материал хэрэгслийн нөхөн төлбөр;

18<sup>1</sup>.2.5. үндсэн хөрөнгө болон зэвсэглэлээс хасагдаж, акт тавигдсан зарим төрлийн техник, тоног төхөөрөмж, материал, хэрэгсэл, эд хөрөнгийг худалдан борлуулсны орлого;

18<sup>1</sup>.2.6. улсыг хөгжүүлэх бүтээн байгуулалтад цэргийн анги, салбар, нэгжийг оролцуулснаас олсон ашиг;

18<sup>1</sup>.2.7. энхийг дэмжих ажиллагааны сургалт, бэлтгэлийн нөхөн төлбөр;

18<sup>1</sup>.2.8. гадаад улстай цэрэг болон цэрэг-техникийн хамтын ажиллагааны хүрээнд байгуулсан гэрээний дагуу олгосон болон хандив, тусламжийн орлого;

18<sup>1</sup>.3. Зэвсэгт хүчний хөгжлийн сангийн хөрөнгийг дараахь арга хэмжээг санхүүжүүлэхэд зарцуулна:

18<sup>1</sup>.3.1. зэвсэгт хүчний энхийг дэмжих ажиллагаанд оролцох чадавхийг сайжруулах;

18<sup>1</sup>.3.2. террорист үйлдлийн сөрөг тусгай ажиллагаанд оролцох, гамшгийн үед аврах, хор уршгийг арилгах, сэргээн босгох, бусад олон талт үүрэг гүйцэтгэх, орон нутгийн хамгаалалтын үйл ажиллагаанд дэмжлэг үзүүлэхэд зэвсэгт хүчний бие бүрэлдэхүүний сургалт болон бэлтгэлийг хангуулах;

18<sup>1</sup>.3.3. зэвсэгт хүчний зэвсэглэл, техникийг сэргээн сайжруулах, шинэчлэх, цэргийн анги, байгууллагын болон сургалтын материаллаг баазыг бэхжүүлэх;

18<sup>1</sup>.3.4. энхийг дэмжих ажиллагаанд оролцохтой холбоотой бусад үйл ажиллагааг санхүүжүүлэх;

18<sup>1</sup>.3.5. энхийг дэмжих ажиллагаа, хүмүүнлэгийн сургалтыг Монгол Улсад зохион байгуулах;

18<sup>1</sup>.3.6. батлан хамгаалах салбарт ажиллаж байгаа офицер, ахлагч, ажилтан, албан хаагчийн нийгмийн хамгаалал болон ажиллах орчныг сайжруулах;

18<sup>1</sup>.3.7. Зэвсэгт хүчний хөгжлийн сангийн олон улсын гэрээний заалтын дагуу зориулалт зааж олгосон хандив, тусламжаас бусад орлогын 70-аас доошгүй хувийг энэ хуулийн 18<sup>1</sup>.3.1, 18<sup>1</sup>.3.2, 18<sup>1</sup>.3.3, 18<sup>1</sup>.3.4, 18<sup>1</sup>.3.5-д заасан зориулалтаар санхүүжүүлэх;

18<sup>1</sup>.3.8. улсыг хөгжүүлэх бүтээн байгуулалтад оролцох анги, салбар, нэгжийн бэлтгэлийг хангах;

18<sup>1</sup>.3.9. энэ хуулийн 18<sup>1</sup>.2.6-д заасан эх үүсвэрээр улсыг хөгжүүлэх бүтээн байгуулалтад шаардлагатай техник, хэрэгсэл, тоног төхөөрөмжийг Зэвсэгт хүчний хэрэгцээнд худалдан авч болно.

18<sup>1</sup>.4. Улсыг хөгжүүлэх бүтээн байгуулалтад цэргийн анги, салбар, нэгжийг оролцуулснаас олсон төлөвлөх боломжгүй орлогыг төсвийн байгууллагын үндсэн үйл ажиллагааны хүрээнд бий болсон нэмэлт орлогод тооцож, батлан хамгаалах асуудал эрхэлсэн төрийн захиргааны төв байгууллагын нэмэлт санхүүжилтийн дансаар зарцуулна.”

18<sup>1</sup>.5. Зэвсэгт хүчний хөгжлийн сангийн орлого, түүний зарцуулалтыг батлан хамгаалах бодлого болон тухайн улстай байгуулсан гэрээний нөхцөл, болзолтой холбогдуулан Төрийн болон албаны нууцын тухай хуульд заасан нууцын зэрэглэлд хамааруулна.

18<sup>1.6</sup>. Зэвсэгт хүчний хөгжлийн сангийн хөрөнгийг энэ хуульд зааснаас бусад зориулалтаар зарцуулахыг хориглоно.

**3/13 дугаар зүйлийн 1 дэх хэсгийн 15 дахь заалт:**

13.1.15 Энэ хуулийн 18 дугаар зүйлийн 18<sup>1.2.6</sup>-д заагдсан орлогын эх үүсвэрээс бий болсон хөрөнгийг Төсвийн тухай хуулийн 47.1.5-д хамааруулж, захиран зарцуулна.

Гарын үсэг